

***Khawas* Surah Al-Fatihah: Kajian Analisa Hadis Sahih Dan *Maudu'* Berkaitan Dengannya**

Dr Zulhilmi Mohamed Nor
Dr Syed Abdul Majid Ghouri

Fakulti Pengajian Quran Dan Sunnah, Universiti Sains Islam Malaysia, 71800 Nilai, Negeri Sembilan, Malaysia.

Tel: 019-5444109, E-Mail: zulhilmi@usim.edu.my

Abstrak

Surah al-Fatihah adalah surah yg teragung dalam al-Quran. Kelebihan yg dimilikinya menyebabkan surah ini menjadi pembuka bagi al-Quran dan rukun daripada rukun solat yg mana tidak sah solat tanpanya. Kelebihan surah ini disebut di dalam banyak hadis Nabi SAW. Surah ini juga mempunyai pelbagai keistimewaan atau *khawas* tersendiri yg menunjukkan keutamaannya seperti dapat memperoleh kebaikan dengan membacanya, menolak kemudaratan, rawatan penyembuhan bagi pesakit atau sebagai pembuka hidayah kepada seseorang dan dibaca utk memohon sebarang hajat. Kajian ini adalah berbentuk kajian analisa hadis, keistimewaan surah ini akan dikupas melalui hadis-hadis yg sahih. Ia dibahagikan kepada tiga topik perbincangan, pertama: Huraian berkaitan pengenalan kepada surah merangkumi sebab dan tempat ia diturunkan, bilangan ayat dan nama-namanya. Kedua: Huraian *khawas* surah ini daripada hadis-hadis yg sahih, dan bahagian ketiga: Dikhususkan utk huraian *khawas* surah ini daripada hadis-hadis *maudu'* dan berbentuk khurafat. Pengkaji menggunakan dua kaedah dalam menyempurnakan kajian ini. Iaitu: Kaedah induktif dan kaedah analisis. Kaedah induktif digunakan untuk mengumpul dan meneliti hadis-hadis sahih, *maudu'* serta khurafat berkaitan dengan surah al-Fatihah. Manakala kaedah analisis digunakan untuk menganalisa nas hadis-hadis tersebut serta mengeluarkan hukum daripadanya. Kajian ini diakhiri dengan beberapa kesimpulan penting.

Kata kunci: Surah al-Fatihah, kajian analisis, *khawas*, hadis sahih, hadis *maudu'*,

Pendahuluan

الحمد لله، والصلاة والسلام على رسوله المصطفى، وعلى آله البررة، وأصحابه الخيرة، ومن تبعهم بإحسان إلى يوم الدين.
أما بعد:

Surah al-Fatihah merupakan surah yang paling agung dan tertinggi dalam al-Quran. Tiada surah yang seumpama dengannya diturunkan di dalam al-Quran. Hadis-hadis yang

membicarakan tentang kelebihan surah ini amat banyak sekali berbanding surah yang lain. Keistimewaan dan *maqasidnya* juga dihuraikan dengan begitu terperinci. Surah al-Fatihah memiliki banyak nama berbeza dengan surah yg lain. Nama yang banyak menandakan ketinggian kedudukannya. Surah al-Fatihah mempunyai banyak keistimewaan atau *khawas* tersendiri yang menunjukkan ia mampu memberi kesan dalam memperoleh manfaat, menolak kemudaratan, penyembuh bagi pesakit, atau hidayah petunjuk atau sebagai ayat yang dibaca untuk mendapatkan hajat. Keistimewaannya yang terbesar adalah al-Quran yg dibuka dengan surah al-Fatihah, disebutkan oleh ulama bahawa ia adalah satu rukun daripada rukun solat dan solat akan terbatal tanpanya.

Al-Imam Hamid al-Din al-Farahi (w 1349H) menyifatkan surah al-Fatihah dengan ungkapan, beliau berkata: “Ia adalah pembuka keindahan kepada al-Quran, menyimpan seluruh ilmu al-Quran di dalamnya, menghimpun semua maksudnya..., ia seumpama cermin kecil membiaskan sesuatu yang amat agung pada kedudukan dan gambarannya...”⁵¹³”

Semua yang dinyatakan menunjukkan kehebatan surah al-Fatihah, kedudukannya yang amat tinggi, kelebihan besar yang dimilikinya serta ganjaran pahala bagi pembacanya.

Kajian ini akan mengupas hadis-hadis Nabi SAW yang menerangkan tentang keistimewaan atau *khawas* surah al-Fatihah. Ia dimulakan dengan huraian berkaitan tempat dan sebab penurunan surah, bilangan ayat, perkataan dan hurufnya. Kemudian akan disusuli dengan pengenalan nama-nama surah. Kajian ini akan memfokuskan hadis-hadis sahih yang menyatakan tentang keistimewaannya atau *khawas*. Diikuti dengan beberapa hadis *maudu'*, *batil* serta khurafat yang juga menyebut tentang keistimewaan surah al-Fatihah, dimana hadis-hadis ini mengingkari aqidah Islam, bertentangan dengan kaedah-kaedah syariat serta berlawanan dengan adab-adab yang mulia.

Kami memohon daripada Allah SWT agar menerima usaha yang kecil ini semata-mata untuk berkhidmat terhadap dua sumber utama agama dan syariat.

إنه وليُّ ذلك والقادرُ عليه، والصَّلَاةُ وَالسَّلَامُ عَلَى أَشْرَفِ الْأَنْبِيَاءِ وَالْمُرْسَلِينَ، نَبِيِّنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

1. Sebab dan Tempat Diturunkan Surah al-Fatihah, bilangan ayat serta nama-namanya.

1.1. Sebab Penurunan Surah:

Tidak dinyatakan dalam mana-mana sumber berkaitan dengan sebab penurunan surah ini. Dalil yang menguatkan maklumat ini adalah bagaimana al-Hafiz Jalal al-Din ‘Abd al-Rahman bin Abu Bakar al-Suyuti (w 911H) tidak meletakkan suatu riwayat pun menyebut sebab penurunan surah di dalam kitabnya “*Lubab al-Nuqul fi Asbab al-Nuzul*”. Ini disebabkan surah al-Fatihah tidak mempunyai *sabab al-Nuzul*⁵¹⁴.

⁵¹³ Al-Farahi, Abd al-Hamid, Nizam al-Quran Wa Ta’wil al-Furqan Bi al-Furqan (1/27, 31).

⁵¹⁴ Al-Ghouri, Syed Abd al-Majid, Fada'il Surah al-Fatihah Wa Khawassuha: Dirasah Hadithiyyah Tahliliyyah, ms 12, 13.

1.2. Tempat diturunkan Surah al-Fatihah:

Majoriti ulama menyatakan bahawa surah ini adalah *surah makkiyyah*; ia diturunkan sebelum peristiwa hijrah daripada Mekah ke Madinah. Ini dikuatkan dengan firman Allah SWT dalam surah al-Hijr: 87

﴿وَلَقَدْ آتَيْنَاكَ سَبْعًا مِّنَ الْمَثَانِي وَالْقُرْآنَ الْعَظِيمَ﴾ [الحجر: 87]

Maksudnya: Dan sesungguhnya Kami telah memberi kepadamu (wahai Muhammad) tujuh ayat yang diulang-ulang bacaannya dan seluruh Al-Quran yang amat besar kemuliaan dan faedahnya.

Surah al-Hijr adalah antara *surah makkiyyah* secara ijma' ulama. Berdasarkan kepada ayat ini, surah al-Fatihah yang disebut di dalamnya juga termasuk di dalam *surah makkiyyah*⁵¹⁵.

1.3. Bilangan Ayat Surah al-Fatihah:

Surah al-Fatihah memiliki tujuh ayat berpandukan kepada ijma' ulama yang muktabar. Ini berasaskan nas daripada al-Quran dan hadis. Firman Allah SWT dalam surah al-Hijr: 87

﴿وَلَقَدْ آتَيْنَاكَ سَبْعًا مِّنَ الْمَثَانِي وَالْقُرْآنَ الْعَظِيمَ﴾ [الحجر: 87]

Maksudnya: Dan sesungguhnya Kami telah memberi kepadamu (wahai Muhammad) tujuh ayat yang diulang-ulang bacaannya dan seluruh Al-Quran yang amat besar kemuliaan dan faedahnya.

Asal bagi perkataan "السَّبْعُ الْمَثَانِي" adalah مَثْنِي atau مَثْنِي yang bermaksud berulang atau berkali-kali. Ini juga adalah nama bagi surah al-Fatihah yang jelas menunjukkan ia berjumlah tujuh ayat⁵¹⁶.

1.4. Nama-Nama Surah al-Fatihah:

Surah ini memiliki banyak nama berbanding surah-surah yang lain di dalam al-Quran. Ada di antara namanya bersifat *Tawqifiyyah* (melalui nas al-Quran dan hadis) dan ada yang bersifat *Ijtihadiyyah* (pandangan para ulama). Nama-nama Surah al-Fatihah yang bersifat *Tawqifiyyah* adalah diambil daripada hadis Nabi SAW yang sahih, manakala nama-nama yang bersifat *Ijtihadiyyah* berdasarkan perkataan para sahabat RA, atau tabiin atau para mufassirin hasil daripada ijtihad mereka.

Terdapat tujuh nama-nama Surah al-Fatihah yang bersifat *Tawqifiyyah*, iaitu: فَاتِحَةُ الْكِتَابِ (Fatihah al-Kitab), أُمُّ الْكِتَابِ (Umm al-Kitab), أُمُّ الْقُرْآنِ (Umm al-Quran), السَّبْعُ الْمَثَانِي (al-Sab')

⁵¹⁵ Sila lihat: 'Abd al-Razzaq Husayn Ahmad, al-Makki Wa al-Madani Fi al-Quran al-Karim: Dirasah Ta'siliyyah Naqdiyyah Li al-Suwar Wa al-Ayat, ms 458, 459.

⁵¹⁶ Sila lihat: 'Abd al-Razzaq 'Ali Ibrahim Musa, al-Muharrar al-Wajiz Fi 'Ad Ayy al-Kitab al-'Aziz, ms 65.

Jika ada di antara kata-kata manusia yang boleh diambil manfaat daripadanya, maka kalam Allah SWT lebih utama dan berhak, kerana ia daripada Tuhan Yang Maha Bijaksana dan Terpuji. Kebanyakan kelebihan atau *khawas* berkaitan dengan surah ini adalah hasil daripada pengalaman atau pengamalan sebahagian golongan salihin, atau daripada sesuatu yang ditunjukkan oleh Nabi SAW di dalam hadis-hadis Baginda. Fokus terpenting dalam perbincangan ini adalah: Berubat atau mengambil penyembuhan dengan al-Quran.

Khawas al-Quran al-Karim merujuk kepada hasil atau kesan daripada pembacaannya, atau penulisan sesuatu surah, atau ayat-ayat tertentu ketika berlakunya sesuatu peristiwa. Hasil daripada pembacaan atau penulisan tersebut diberikan penyelesaian atau jalan keluar, atau penyembuhan, atau jawapan bagi persoalan yg sukar, atau terpelihara sesuatu atau sebagainya.

Menjadikan al-Quran sebagai bahan penyembuhan dinamakan *al-Ruqyah al-Syar'iyah*. Penyembuhan sesuatu penyakit terhasil dengan dibaca surah-surah tertentu atau ayat-ayat yang memiliki kelebihan tersendiri yang diberikan oleh Allah SWT kepada pembacanya, dengan hati yang tulus, ikhlas dan keyakinan serta ketinggian tawakkalnya kepada Allah SWT⁵²⁰.

2.2. *Khawas* Surah al-Fatihah:

Khawas Surah al-Fatihah adalah suatu yang telah pasti kebenarannya berpandukan kepada hadis Nabi SAW yang sahih. Bahagian ini akan menyenaraikan hadis-hadis tersebut dan dihuraikan berkaitan dengan *Khawas* Surah al-Fatihah.

a. Tidak Diturunkan Di Dalam Kitab-Kitab Samawi Terdahulu, Suatu Surah Yang Setanding Dengan Surah Al-Fatihah.

Hadis Nabi SAW:

عن أبي هريرة - رضي الله عنه - أن رسول الله صلى الله عليه وسلم خرج على أبي بن كعب رضي الله عنه، فقال رسول الله صلى الله عليه وسلم: «يا أبا - وهو يصلي -، فالتفت أبي فلم يجبه، وصلى أبي فحفف. ثم انصرف إلى رسول الله صلى الله عليه وسلم فقال: السَّلَامُ عليك يا رسول الله! فقال رسول الله صلى الله عليه وسلم: «وَعَلَيْكَ السَّلَامُ، مَا مَنَعَكَ يَا أبا أَنْ تُجِيبَنِي إِذْ دَعَوْتُكَ؟»، فقال: يا رسول الله! إني كنت في الصلاة، قال: «أفلم نجد فيما أوحى الله إلي أن ﴿اسْتَجِيبُوا لِلَّهِ وَلِلرَّسُولِ إِذَا دَعَاكُمْ لِمَا يُحْيِيكُمْ﴾ [الأنفال: 24]»، قال: بلى!، ولا أعوذ إن شاء الله. قال: «أُحِبُّ أَنْ أَعْلَمَكَ سُورَةَ لَمْ يَنْزَلْ فِي التَّوْرَةِ، وَلَا فِي الْإِنْجِيلِ، وَلَا فِي الزَّبُورِ، وَلَا فِي الْقُرْآنِ مِثْلَهَا؟»، قال: نَعَمْ يا رسول الله! فقال رسول الله صلى الله عليه وسلم: «كَيْفَ تَقْرَأُ فِي الصَّلَاةِ؟»، قال: فقرأ أم القرآن، فقال

⁵²⁰ Sila lihat: al-Huwaimil, *Khawas al-Quran al-Karim*, ms 26, 27 dan al-Ghouri, *Fadail Surah al-Fatihah Wa Khawassuha*, ms 100, 101.

رسول الله صَلَّى اللهُ عَلَيْهِ وَسَلَّمَ: «وَالَّذِي نَفْسِي بِيَدِهِ مَا أُنزِلَتْ فِي التَّوْرَةِ، وَلَا فِي الْإِنْجِيلِ، وَلَا فِي الزَّبُورِ، وَلَا فِي الْفُرْقَانِ مِنْهَا، وَإِنَّمَا سَبَعٌ مِنَ الْمَثَانِي، وَالْقُرْآنُ الْعَظِيمُ الَّذِي أُعْطِيْتُهُ»

Maksudnya: Daripada Abu Hurairah RA menyatakan bahawa Rasulullah SAW keluar menuju ke arah Ubay bin Ka'ab RA. Rasulullah SAW bersabda: “Wahai Ubay”. Ketika itu Ubay RA sedang mendirikan solat. Beliau berpaling memandang ke arah Rasulullah SAW tetapi tidak menyahutnya. Ubay RA meneruskan solat dan meringkaskannya. Setelah selesai, Ubay RA menuju ke arah Rasulullah SAW dan berkata: Assalamu ‘alayka wahai Rasulullah. Rasulullah SAW bersabda: “Wa ‘alayka al-Salam, apakah yang menghalangmu wahai Ubay daripada menyahut ketika aku memanggilmu?” Jawab Ubay RA: Wahai Rasulullah, aku sedang solat. Sabda Baginda: “Bukankah kamu dapati di antara wahyu yang diberikan kepadaku

﴿[24: الأنفال: 24]﴾ استَجِيبُوا لِلَّهِ وَلِلرَّسُولِ إِذَا دَعَاكُمْ لِمَا يُحْيِيكُمْ (Maksudnya: Wahai orang-orang yang beriman, sahut dan sambutlah seruan Allah dan seruan RasulNya apabila Ia menyeru kamu kepada perkara-perkara yang menjadikan kamu hidup sempurna). Jawab Ubay RA: Benar sekali, dan aku tidak akan mengulanginya dengan izin Allah. Sabda Nabi SAW: “Sukakah kamu jika aku ajarkan tentang suatu surah yang tidak pernah diturunkan seumpamanya di dalam Taurat, Injil, Zabur dan al-Quran?” Beliau menjawab: Ya, wahai Rasulullah. Rasulullah SAW bersabda: “Apakah yang kamu baca di dalam solat?”. Ubay RA membaca Umm al-Quran. Rasulullah SAW bersabda: “Demi jiwaku pada tangan-Nya, tidak pernah diturunkan di dalam Taurat, Injil, Zabur dan al-Furqan surah seumpamanya. Ia adalah tujuh ayat yang diulang-ulang bacaannya dan al-Quran yang agung yang dianugerahkan kepadaku”⁵²¹.

Juga hadis Nabi SAW:

وعن أبي بن كعبٍ - رضي الله عنه - قال: قال رسول الله صَلَّى اللهُ عَلَيْهِ وَسَلَّمَ: «مَا أُنزِلَ اللهُ فِي التَّوْرَةِ، وَلَا فِي الْإِنْجِيلِ، وَلَا فِي الْفُرْقَانِ، مِثْلُ أُمَّ الْقُرْآنِ؛ وَهِيَ: السَّبْعُ الْمَثَانِي وَالْقُرْآنُ الْعَظِيمُ الَّذِي أُوتِيْتُ، وَهِيَ مَفْسُومَةٌ بَيْنِي وَبَيْنَ عَبْدِي، وَلِعَبْدِي مَا سَأَلَ»

Maksudnya: Daripada Ubay bin Ka'ab RA berkata: Rasulullah SAW bersabda: “Tidak pernah Allah menurunkan di dalam Taurat, Injil, dan al-Furqan surah seumpama *Umm al-Quran*. Ia adalah tujuh ayat yang diulang-ulang bacaannya dan al-Quran yang agung yang dianugerahkan kepadaku, ia juga menjadi suatu yang Aku telah sumpahkan di antara Aku dan hamba-Ku, bagi hamba-Ku apa sahaja yang dimintanya”⁵²².

⁵²¹ Diriwayatkan oleh al-Imam al-Tirmizi dalam al-Jami', kitab: Fadail al-Quran, Bab: Ma Jaa Fi Fadhl Fatihah al-Kitab, no hadis: 2875, dan beliau berkata: Hadis ini hasan sahih.

⁵²² Diriwayatkan oleh al-Imam al-Tirmizi dalam al-Jami', Kitab: al-Tafsir, Bab: Wa Min Surah al-Hijr, no hadis: 3125, dan al-Imam al-Nasa'I dalam al-Sunan al-Sughra, Kitab: al-Iftitah, Bab Qaul Ta'ala: ﴿ولقد آتيناك سبعا من﴾

﴿المثاني﴾ no hadis: 915. Al-Imam al-Tirmizi mengatakan: Hadis hasan gharib.

Hadis-hadis yang disebutkan di atas menegaskan bahawa surah al-Fatihah merupakan surah yang paling agung di dalam al-Quran secara mutlak. Ia adalah surah yang dimaksudkan oleh Allah SWT ketika berbicara dengan Nabi-Nya SAW:

﴿وَلَقَدْ آتَيْنَاكَ سَبْعًا مِّنَ الْمَثَانِي وَالْقُرْآنَ الْعَظِيمَ﴾ [الحجر: 87]

Maksudnya: Dan sesungguhnya Kami telah memberi kepadamu (wahai Muhammad) tujuh ayat yang diulang-ulang bacaannya dan seluruh Al-Quran yang amat besar kemuliaan dan faedahnya.

Tiada surah memiliki kedudukan yang sama dengan surah al-Fatihah di dalam kitab-kitab Samawi terdahulu, sama ada di dalam Taurat, Injil, Zabur dan juga al-Furqan. Surah ini menghimpunkan pelbagai sifat seperti keagungan Allah, kelebihan dan kebaikan yang banyak tidak seperti surah-surah yang lain⁵²³.

b. Hanya Surah al-Fatihah dinamakan dengan: *Ummu al-Quran, Ummu al-Kitab* dan *al-Sab'u al-Mathani*:

Hadis Nabi SAW:

عن أبي هريرة - رضي الله عنه - قال: قال رسول الله صَلَّى اللهُ عَلَيْهِ وَسَلَّمَ: «أُمُّ الْقُرْآنِ، هِيَ السَّبْعُ الْمَثَانِي، وَالْقُرْآنُ الْعَظِيمُ»

Maksudnya: Daripada Abu Hurairah RA berkata: Rasulullah SAW bersabda: “*Umm al-Qur'an* ialah *al-Sab' al-Mathani* dan al-Quran yang agung⁵²⁴”

Hadis Nabi SAW:

وعنه - رضي الله عنه - قال: قال رسول الله صَلَّى اللهُ عَلَيْهِ وَسَلَّمَ: «الْحَمْدُ لِلَّهِ رَبِّ الْعَالَمِينَ: أُمُّ الْقُرْآنِ، وَأُمُّ الْكِتَابِ، وَالسَّبْعُ الْمَثَانِي»

Maksudnya: Daripada Abu Hurairah RA berkata: Rasulullah SAW bersabda: “*الحمد لله رب العالمين* ialah *Ummu al-Quran, Ummu al-Kitab* dan *al-Sab' al-Mathani*⁵²⁵”.

Hadis Nabi SAW:

⁵²³ Sila lihat: al-Ghouri, Fadail Surah al-Fatihah Wa Khawassuha, ms 111.

⁵²⁴ Diriwayatkan oleh al-Imam al-Bukhari dalam al-Sahih, Kitab: al-Tafsir, Bab: ﴿وَلَقَدْ آتَيْنَاكَ سَبْعًا مِّنَ الْمَثَانِي وَالْقُرْآنَ الْعَظِيمَ﴾

﴿الْعَظِيمَ﴾ no hadis: 4704.

⁵²⁵ Diriwayatkan oleh al-Imam Abu Daud dalam al-Sunan, Kitab: al-Salat, Bab: Fatihah al-Kitab, no hadis: 1457. Dan al-Tirmizi dalam al-Jami', Kitab: al-Tafsir, Bab: Min Surah al-Hijr, no hadis: 3137, dan beliau berkata: Hadis ini hasan sahih.

وعنه - رضي الله عنه - قال: قال رسول الله صَلَّى اللهُ عَلَيْهِ وَسَلَّمَ: «إِذَا قَرَأْتُمْ ﴿الْحَمْدُ لِلَّهِ﴾ فَاقْرَأُوا ﴿بِسْمِ اللَّهِ الرَّحْمَنِ الرَّحِيمِ﴾، إِهَّا أُمُّ الْقُرْآنِ، وَأُمُّ الْكِتَابِ، وَالسَّبْعُ الْمَثَانِي، وَ﴿بِسْمِ اللَّهِ الرَّحْمَنِ الرَّحِيمِ﴾ إِحْدَى آيَاتِهَا»

Maksudnya: Daripada Abu Hurairah RA berkata: Rasulullah SAW bersabda: “Jika kamu membaca ﴿الْحَمْدُ لِلَّهِ﴾, maka bacalah ﴿بِسْمِ اللَّهِ الرَّحْمَنِ الرَّحِيمِ﴾, kerana ia adalah *Ummu al-Quran*, *Ummu al-Kitab* dan *al-Sab’u al-Mathani*. ﴿بِسْمِ اللَّهِ الرَّحْمَنِ الرَّحِيمِ﴾ adalah satu daripada ayatnya⁵²⁶”.

Hadis-hadis ini menunjukkan bagaimana Rasulullah SAW menamakan surah al-Fatihah dengan: *Ummu al-Quran*, *Ummu al-Kitab* dan *al-Sab’u al-Mathani*. Kesemua nama-nama atau sifat-sifat surah al-Fatihah ini melambangkan keagungan dan kepentingannya. Juga mengisyaratkan kepada manfaat besar yang dimiliki, kelebihan serta *Khawas* tersendiri yang tidak dimiliki oleh surah yang lain. Menjadi suatu tuntutan kepada setiap muslim untuk memberikan perhatian, penelitian yang sepatutnya kepada surah ini agar manfaat serta kebaikan yang terkandung di dalamnya dapat diperoleh demi kebahagiaan dunia dan akhirat⁵²⁷.

c. Surah al-Fatihah Satu Rukun Daripada Rukun Solat:

Hadis Nabi SAW:

عن عُبَادَةَ بْنِ الصَّامِتِ - رضي الله عنه - أَنَّ رَسُولَ اللَّهِ صَلَّى اللهُ عَلَيْهِ وَسَلَّمَ قَالَ: «لَا صَلَاةَ لِمَنْ لَمْ يَقْرَأْ بِفَاتِحَةِ الْكِتَابِ»

Maksudnya: Daripada ‘Ubadah bin al-Samit RA, Rasulullah SAW bersabda: “Tiada solat bagi sesiapa yang tidak membaca *Fatihah al-Kitab*⁵²⁸”

Hadis Nabi SAW:

وعن أبي هريرة - رضي الله عنه - قال: قال لي رسول الله صَلَّى اللهُ عَلَيْهِ وَسَلَّمَ: «اخْرُجْ فنادِ فِي الْمَدِينَةِ: أَنْ لَا صَلَاةَ إِلَّا بِقُرْآنٍ وَلَوْ بِفَاتِحَةِ الْكِتَابِ»

⁵²⁶ Diriwayatkan oleh al-Imam al-Daraqutni dalam al-Sunan, Kitab: al-Solah, Bab: Fi al-Jahr Bi الرحمن الرحيم , (2/86) no hadis: 1190. Sanadnya sahih.

⁵²⁷ Sila lihat: al-Huwaimil, *Khawas al-Quran al-Karim*, ms 221 dan al-Ghoury, *Fadail Surah al-Fatihah Wa Khawassuha*, ms 111, 112.

⁵²⁸ Diriwayatkan oleh al-Imam al-Bukhari dalam al-Sahih, Kitab: al-Azan, Bab: Wujub al-Qiraa’h Li al-Imam Wa al-Ma’um Fi al-Salawat Kulliha Fi al-Hadar Wa al-Safar, no hadis: 765, dan al-Imam Muslim di dalam al-Sahih, Kitab: al-Salah, Bab: Wujub Qiraa’h al-Fatihah Fi Kulli Rak’ah..., no hadis 394.

Maksudnya: Daripada Abu Hurairah RA berkata: Rasulullah SAW bersabda kepadaku: “Keluarlah dan serulah (manusia) di Madinah: Sesungguhnya tiada solat (tidak sah solat) kecuali dengan (membaca) al-Quran, walaupun dengan hanya *Fatihah al-Kitab*⁵²⁹”.

Hadis Nabi SAW:

عن عُبَادَةَ بْنِ الصَّامِتِ - رضي الله عنه - قال: كُنَّا خَلْفَ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي صَلَاةِ الْفَجْرِ، فَقَرَأَ رَسُولُ اللَّهِ صَلَّى اللَّهُ عَلَيْهِ وَسَلَّمَ، فَتَقَلَّتْ عَلَيْهِ الْقِرَاءَةُ، فَلَمَّا فَرَغَ قَالَ: «لَعَلَّكُمْ تَقْرَأُونَ خَلْفَ إِمَامِكُمْ؟»، قلنا: نَعَمْ! هَذَا يَا رَسُولَ اللَّهِ! قَالَ: «لَا تَفْعَلُوا إِلَّا بِفَاتِحَةِ الْكِتَابِ، فَإِنَّهُ لَا صَلَاةَ لِمَنْ لَمْ يَقْرَأْ بِهَا»

Maksudnya: Daripada ‘Ubadah bin al-Samit RA berkata: Kami berada di belakang Rasulullah SAW ketika solat subuh. Rasulullah SAW membaca ayat al-Quran dan kelihatan Baginda agak sukar membacanya. Setelah selesai solat, Baginda SAW bersabda: “Kemungkinan kamu membaca (al-Quran) di belakang imam kamu?” Kami menjawab: Benar! Bacaan secara pendek dan cepat wahai Rasulullah. Rasulullah SAW bersabda: “Janganlah kamu melakukannya kecuali dengan membaca *Fatihah al-Kitab*, kerana tiada solat bagi sesiapa yang tidak membacanya”⁵³⁰.

Kesemua hadis ini mengandungi nas yang jelas kewajipan membaca Surah al-Fatihah di dalam solat. Solat tidak sah tanpanya dan ia adalah satu rukun daripada rukun solat. Para fuqaha’ juga bersepakat menyatakan kewajipan membacanya di dalam solat bagi imam dan makmum⁵³¹.

d. *Ruqyah* dengan Surah al-Fatihah:

Hadis Nabi SAW:

عن أبي سعيد الخدري - رضي الله عنه - قال: " انطلق نَفَرٌ من أصحابِ النَّبِيِّ صَلَّى اللَّهُ عَلَيْهِ وَسَلَّمَ فِي سَفَرَةٍ سافروها، حتى نزلوا على حَيٍّ من أحياءِ العربِ، فاستصافوهم فأبوا أن يُصَيِّفُوهم، فلدغ سيد ذلك الحيِّ، فسعوا له بكلِّ شيءٍ، لا ينفعه شيءٌ، فقال بعضهم: لو أتيتهم هؤلاء الرهط الذين نزلوا؛ لعله أن يكون عند بعضهم شيءٌ، فأتوهم، فقالوا: يا أيها الرهط! إن سيدنا لدغ، وسعينا له بكلِّ شيءٍ، لا ينفعه؛ فهل عند أحدٍ منكم شيءٌ؟ فقال بعضهم: نعم! والله إني لأرقي، ولكن والله لقد استصفتناكم فلم تُصَيِّفونا، فما أنا براقٍ لكم حتى تجعلوا لنا جعلاً، فصالحوهم على قَطِيعٍ من الغنمِ، فانطلق يتفل عليه، ويقرأ: ﴿الْحَمْدُ لِلَّهِ رَبِّ الْعَالَمِينَ﴾، فكأما نُشِطَ من عقالٍ، فانطلق يمشي وما به قلبَةٌ، قال: فأوفوهم جعلهم الذي صالحوهم عليه، فقال بعضهم: افسموا، فقال الذي رقى:

⁵²⁹ Diriwayatkan oleh al-Imam Abu Daud dalam al-Sunan, Kitab: al-Salah, Bab: Man Taraka al-Qiraa’h Fi Salatihi Bi Fatihah al-Kitab, no hadis: 819. Dan ia adalah hadis yang sahih.

⁵³⁰ Diriwayatkan oleh al-Imam Abu Daud dalam al-Sunan, Kitab: al-Salah, Bab: Man Taraka al-Qiraa’h Fi Salatihi Bi Fatihah al-Kitab, no hadis: 823, dan al-Imam al-Tirmizi dalam al-Jami’, Kitab: al-Salah, Bab: Ma Jaa Fi al-Qiraa’h Khalf al-Imam, no hadis: 311, beliau berkata: Hadis hasan.

⁵³¹ Sila lihat: al-Zuhaili, Wahbah bin Mustafa, al-Fiqh al-Islami Wa Adillatuhu (1/653).

لا تَفْعَلُوا حَتَّى نَأْتِيَ النَّبِيَّ صَلَّى اللَّهُ عَلَيْهِ وَسَلَّمَ فَتَذَكَّرَ لَهُ الَّذِي كَانَ، فَتَنْظُرَ مَا يَأْمُرُنَا. فَقَدِمُوا عَلَى رَسُولِ اللَّهِ صَلَّى اللَّهُ عَلَيْهِ وَسَلَّمَ فَذَكَّرُوا لَهُ، فَقَالَ: «وَمَا يُدْرِيكَ أَتَمَّا رُفِيَةٌ؟» ثُمَّ قَالَ: «قَدْ أَصَبْتُمْ، أَقْسِمُوا، وَاضْرِبُوا لِي مَعَكُمْ سَهْمًا»، فَضَحِكَ رَسُولُ اللَّهِ صَلَّى اللَّهُ عَلَيْهِ وَسَلَّمَ

Maksudnya: Daripada Abu Sa'id al-Khudri RA berkata: Sekumpulan sahabat Nabi SAW melakukan permusafiran, sehingga mereka tiba di sebuah perkampungan arab badwi. Para sahabat RA meminta penduduk kampung untuk menerima mereka sebagai tetamu, tetapi mereka tidak diterima. Kemudian ketua kepada perkampungan tersebut disengat oleh binatang berbisa. Penduduk kampung berusaha melakukan segalanya untuk menyembuhkan ketua mereka, tetapi tidak membawa sebarang hasil dan manfaat. Seorang daripada mereka berkata: Mungkin jika kamu menemui kumpulan yang datang ke kampung ini, dan kamu akan mendapati di kalangan mereka terdapat sesuatu yang menyembuhkan? Lantas para penduduk bertemu dengan kumpulan para sahabat RA dan berkata: Wahai kumpulan manusia, ketua kami disengat oleh binatang, kami berusaha dengan semampunya, tetapi tidak memberi sebarang manfaat, adakah di antara kamu yang boleh melakukan sesuatu? Sebahagian para sahabat RA berkata: Ya, demi Allah, aku akan merawatnya. Tetapi demi Allah, kami telah meminta kamu untuk menerima kami sebagai tetamu, tetapi kamu tidak menerimanya, maka aku tidak akan merawatnya kecuali jika kamu menyediakan upah. Para penduduk bersetuju untuk memberikan sejumlah kambing (jika ketua mereka berjaya dirawat). Sahabat RA tersebut pergi dan membaca serta meniup ketua kampung. Beliau membaca ﴿الْحَمْدُ لِلَّهِ رَبِّ الْعَالَمِينَ﴾. ketua kampung tersebut kembali sedar dan cergas, malah mula berjalan seolah-olah tidak pernah sakit sebelumnya. Penduduk kampung pun melunaskan janji dan persetujuan mereka. Sebahagian para sahabat RA berkata: Bahagikanlah (upah kambing tersebut). Sahabat RA yang melakukan *ruqyah* pula berkata: Jangan dibahagikan sehingga kita bertemu dengan Nabi SAW dan kita ceritakan kepada Baginda, kemudian kita tunggu perintah daripadanya. Para sahabat RA menemui Rasulullah SAW dan menerangkan kisah tersebut. Sabda Nabi SAW: “Bagaimanakah kamu tahu ia adalah *ruqyah*?” Sabda Baginda lagi: “Kamu sudah melakukan perkara yang betul, bahagikanlah, dan berikanlah kepadaku sedikit daripadanya”. Lantas Rasulullah SAW ketawa⁵³².

Hadis Nabi SAW:

عَنْ ابْنِ عَبَّاسٍ: أَنَّ نَفَرًا مِنْ أَصْحَابِ النَّبِيِّ صَلَّى اللَّهُ عَلَيْهِ وَسَلَّمَ مَرُّوا بِمَاءٍ، فِيهِمْ لَدِيْعٌ أَوْ سَلِيْمٌ، فَعَرَضَ هُمْ رَجُلٌ مِنْ أَهْلِ الْمَاءِ، فَقَالَ: هَلْ فِيكُمْ مِنْ رَاقٍ، إِنَّ فِي الْمَاءِ رَجُلًا لَدِيْعًا أَوْ سَلِيْمًا، فَاَنْطَلَقَ رَجُلٌ مِنْهُمْ، فَقَرَأَ بِفَاتِحَةِ الْكِتَابِ عَلَى شَاءٍ، فَبَرَأَ، فَجَاءَ بِالشَّاءِ إِلَى أَصْحَابِهِ، فَكَرِهُوا ذَلِكَ وَقَالُوا: أَخَذْتَ عَلَى كِتَابِ اللَّهِ أَجْرًا، حَتَّى قَدِمُوا الْمَدِيْنَةَ،

⁵³² Diriwayatkan oleh al-Imam al-Bukhari dalam al-Sahih, Kitab: al-Ijarah, Bab: Ma Yu'ta Fi al-Ruqyah 'Ala Ahya al-'Arab Bi Fatihah al-Kitab, no hadis: 2276.

فَقَالُوا: يَا رَسُولَ اللَّهِ، أَخَذَ عَلَى كِتَابِ اللَّهِ أَجْرًا، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِنَّ أَحَقَّ مَا أَخَذْتُمْ عَلَيَّ أَجْرًا كِتَابُ اللَّهِ»

Maksudnya: Daripada Ibn ‘Abbas RA menyatakan bahawa: Sekumpulan sahabat Nabi SAW melakukan pemusafiran dan melalui sebuah perkampungan yang memiliki sumber air. (Pada asalnya kumpulan para sahabat RA meminta izin untuk bermalam di perkampungan tersebut, tetapi penduduknya enggan membenarkan mereka) Kemudian berlaku suatu peristiwa iaitu salah seorang penduduk perkampungan itu disengat oleh binatang berbisa. Salah seorang penduduk kampung tersebut menemui kumpulan para sahabat RA yang berehat di hujung kampung. Lelaki itu berkata: Adakah terdapat di kalangan kamu orang yang boleh merawat? Sesungguhnya terdapat seseorang yang disengat binatang atau ditimpa penyakit di kalangan penduduk kampung. Seorang lelaki dari sahabat RA menuruti penduduk kampung tersebut. Beliau RA membacakan *Fatihah al-Kitab* ke atas orang yang disengat atau ditimpa penyakit dengan meletakkan bayaran beberapa ekor kambing (jika pesakit itu sembuh). Pesakit itu sembuh, lalu sahabat Nabi SAW yang membacakan *Fatihah al-Kitab* kepadanya pulang kepada para sahabat RA yang lain dengan membawa beberapa ekor kambing. Tetapi sahabat RA yang lain enggan menerima upah kambing tersebut, mereka berkata kepada sahabat yang membacakan al-Fatihah: Adakah kamu mendapatkan upah dengan Kitab Allah, (janganlah mengambilnya) sehingga kita sampai di Madinah. (Apabila tiba di Madinah) Para sahabat RA bertanya kepada Nabi SAW: Wahai Rasulullah, dia (sahabat yang membacakan surah al-Fatihah) telah mengambik upah daripada Kitab Allah. Rasulullah SAW bersabda: “Sesungguhnya sesuatu yang paling berhak untuk kamu ambil upah daripadanya adalah Kitab Allah”⁵³³.

Kedua-dua hadis ini menunjukkan dengan jelas keharusan *ruqyah* menggunakan al-Quran al-Karim, juga keistimewaan surah al-Fatihah dan keabsahan manfaatnya. Ia mampu dimanfaatkan sebagai rawatan penyakit. Terutamanya sakit akibat daripada sengatan binatang berbisa seperti yang dinyatakan di dalam kedua-dua hadis. Manfaatnya juga umum bagi semua urusan, dan berkaitan dengan sengatan lebih berkesan dan mujarab. Tiada halangan untuk menggunakan surah ini sebagai *ruqyah* pada pesakit yang lain, dengan mengharapkan keberkatan al-Quran al-Karim, memperoleh manfaat dan menolak segala mudarat serta keburukan⁵³⁴.

Al-Imam Ibn Qayyim al-Jauziyyah al-Dimasyqi (w 751H) menjelaskan kesan surah ini dan penggunaannya sebagai *ruqyah* penyakit serta ayat yang menjadi fokus penyembuhan. Beliau berkata: Dikatakan bahawa ayat yang menjadi fokus *ruqyah* – di dalam Surah al-Fatihah – adalah ﴿إِيَّاكَ نَعْبُدُ وَإِيَّاكَ نَسْتَعِينُ﴾. Tidak dinafikan kedua-dua kalimah ini adalah di antara bahagian penyembuh yang paling jelas dan kuat. Ini kerana kedua-duanya mengandungi

⁵³³ Diriwayatkan oleh al-Imam al-Bukhari dalam al-Sahih, Kitab: al-Tibb, Bab: al-Syurut Fi al-Ruqyah Bi Fatihah al-Kitab, no hadis: 5737.

⁵³⁴ Sila lihat: al-Huwaimil, Khawas al-Quran al-Karim, ms 242, 247 dan al-Ghouri, Fada'il Surah al-Fatihah Wa Khawassuha, ms 112.

penyerahan diri, tawakkal, perlindungan, permohonan bantuan, keperluan dan himpunan matlamat-matlamat yang paling tinggi, iaitu penyembahan kepada Tuhan Yang Esa. Cara yang paling mulia adalah dengan meminta bantuan daripada Allah untuk beribadah kepada-Nya yang ia tidak dimiliki oleh selain daripada-Nya. Pernah suatu ketika di Mekah: Aku ditimpa dengan penyakit, tidak ada doktor mahupun ubat yang mampu menghilangkannya. Maka aku pun berubat dengannya. Aku mengambil air zamzam dan membacakan ke atasnya berulang kali, kemudian aku meminumnya. Hasilnya aku merasakan penyembuhan yang sempurna. Selepas daripada itu, aku terus bergantung kepadanya bagi menyembuhkan banyak penyakit, dan mendapat manfaat yang amat besar daripadanya⁵³⁵.

Kesimpulan daripada perbincangan berkaitan dengan *Khawas* Surah al-Fatihah yang penuh dengan keberkatan ini: Penggunaannya sebagai *ruqyah* untuk mendapat penyembuhan adalah suatu yang telah pasti dengan izin Allah SWT, maka wajib bagi setiap muslim untuk mengutamakan dalam perubatan dengan penuh tulus, ikhlas serta tawakkal kepada Allah sebelum menggunakan bahan-bahan fizikal sebagai alat penyempuhan⁵³⁶.

3. *Khawas* Surah al-Fatihah Di Dalam Hadis *Maudu'* serta Khurafat:

Hadis-hadis *maudu'* atau palsu serta bercirikan khurafat berkaitan *Khawas* Surah al-Fatihah disebut di dalam banyak karya. Hadis-hadis dan khurafat ini menafikan aqidah Islam, bahkan bertentangan dengan nilai-nilai serta kaedah-kaedah Syara'. Ia juga seolah-olah menghina kedudukan al-Quran al-'Azim dan merendah-rendahkan ayat-ayatnya yang mulia. Berikut sebahagian hadis-hadis *maudu'* serta khurafat berkaitan dengan *khawas* Surah al-Fatihah:

- i. Al-Sheikh 'Ismail bin Muhammad al-'Ajluni al-Dimasyqi (w 1162H) menyebut di dalam kitabnya "Kasyf al-Khafa..." sebuah hadis daripada Anas bin Malik RA berkaitan dengan *khawas* Surah al-Fatihah:

"مَنْ قَرَأَ فَاتِحَةَ الْكِتَابِ إِذَا وَضَعَ جَنْبَهُ عَلَى الْفِرَاشِ؛ أَمِنَ كُلَّ شَيْءٍ إِلَّا الْمَوْتَ"

Maksudnya: "Sesiapa yang membaca Fatihah al-Kitab ketika meletakkan badannya di atas tempat baring, dia akan selamat daripada setiap perkara, kecuali mati".⁵³⁷

- ii. Al-Imam Abu Ishaq Ahmad bin Muhammad al-Tha'labi al-Naysaburi (w 427H) menyebut di dalam kitabnya "al-Kasyf wa al-Bayan": Sesungguhnya Fatihah al-Kitab menyimpan di dalamnya segala ilmu secara terperinci, sesiapa yang mengetahui tentang tafsiran surah ini, dia seumpama seseorang yang mengetahui tafsiran kesemua kitab-kitab Allah SWT yang diturunkan, sesiapa yang membacanya, seumpama dia membaca Taurat, Injil, Zabur dan al-Furqan"⁵³⁸.

⁵³⁵ Ibn al-Qayyim, *Zad al-Ma'ad* (4/178)

⁵³⁶ al-Ghuri, *Fadail Surah al-Fatihah Wa Khawassuha*, ms 116.

⁵³⁷ Al-'Ajluni, 'Ismail bin Muhammad, *Kasyf al-Khafa'* Wa Muzil al-Ilbas 'An Ma Isytahara Min al-Ahadith 'Ala Alsinah al-Nas: (2/107). Ia adalah hadis yang daif.

⁵³⁸ Al-Tha'labi, Abu Ishaq Ahmad bin Muhammad, *al-Kasyf Wa al-Bayan 'An Tafsir al-Quran* (1/91).

- iii. Al-Imam al-Tha'labi juga meriwayatkan di dalam kitabnya dengan sanad kepada 'Amir bin Syarahil, bahawa beliau berkata: Aku mendengar Abdullah bin Abbas RA beberapa kali berkata: Asas al-Quran adalah al-Fatihah, asas al-Fatihah adalah بِسْمِ اللّٰهِ الرَّحْمٰنِ الرَّحِیْمِ , jika kamu ditimpa sakit, maka hendaklah kamu membaca al-Fatihah, nescaya akan sembuh⁵³⁹.
- iv. Al-Hafiz Muhammad bin Abd al-Wahid al-Ghafiqli al-Mallahi al-Andalusi (w 619H) menyatakan di dalam kitabnya "Lamahat al-Anwar": Sesungguhnya *ruqyah* dengan Fatihah al-Kitab akan menyembuhkan sesiapa yang ditimpa dengan penyakit demam. Diriwayatkan daripada Abdullah bin 'Abbas RA berkata:
"مَرِضَ الحَسَنُ أَوْ الحُسَيْنُ مِنْ حُمَّى أَوْ انكسارٍ فِي بدنِهِ، فَاغْتَمَّ لَهُ النَّبِيُّ صَلَّى اللهُ عَلَيْهِ وَسَلَّمَ، فَنَزَلَ عَلَيْهِ جبريلُ - عَلَيْهِ السَّلَامُ - فَقَالَ لَهُ: يَا مُحَمَّدُ! الجَبَّارُ يُقْرِئُكَ السَّلَامَ، وَيَقُولُ لَكَ: اَعْتَمَمْتَ لِمَرَضِ حَسَنِ أَوْ حُسَيْنٍ، فَهُوَ يَأْمُرُكَ أَنْ تَطْلُبَ فِي القُرْآنِ سِوَةَ لَا فَاءَ فِيهَا، فَإِنَّ الفَاءَ مِنَ الآفَةِ، فَتَقْرَأُ بِهَا عَلَى إِنَاءٍ مِنْ مَاءِ أربَعِينَ مَرَّةً، فَتَغْسِلُ بِذَلِكَ المَاءِ يَدَيْهِ وَرِجْلَيْهِ، وَمَا بَطْنَ وَمَا ظَهَرَ مِنْ بدنِهِ، مِنْ بَعْدِ وَجْهِهِ وَرَأْسِهِ؛ فَإِنَّ اللهَ يُدَبُّ عَنْهُ - إِنْ شَاءَ اللهُ - وَأَمْرٌ أَقْتَنَكَ يَا مُحَمَّدُ يَتَدَاوُونَ بِهَذَا الدَّوَاءِ؛ فَإِنَّهُ أَفْضَلُ الدَّوَاءِ"

Maksudnya: al-Hasan RA dan al-Husain RA demam atau ditimpa dengan kesakitan pada badan mereka. Perkara ini menyedihkan Nabi SAW. Jibril AS turun bertemu dengan Nabi SAW serta berkata: Wahai Muhammad, Tuhan al-Jabbar menyampaikan kepadamu salam dan berfirman kepadamu: Kamu merasa dukacita dengan kesakitan Hasan dan Husain, maka Dia memerintahkan kamu untuk memohon (kesembuhan mereka) dengan al-Quran menggunakan sebuah surah yang tiada huruf Fa' di dalamnya. Ini kerana huruf Fa' berasal daripada الآفة yang bermaksud kesakitan. Bacalah surah tersebut kepada sebuah bekas yang berisi air sebanyak 40 kali. Basuhlah kedua tangan dan kakinya dengan air itu. Juga pada anggota yang terzahir atau tersembunyi, iaitu setelah dibasuh muka dan kepalanya. Kerana sesungguhnya Allah akan menghilangkan daripadanya (penyakit tersebut) – dengan izin Allah – serta perintahkanlah umatmu wahai Muhammad untuk berubat dengan penawar ini, kerana ia adalah sebaik-baik penawar⁵⁴⁰.

- v. Al-Ghafiqli juga meriwayatkan daripada Ubay bin Ka'ab RA, bahawa beliau berkata: "Sesiapa yg membaca Ummu al-Quran pada dua rakaat solat dhuha, Allah akan menulis baginya untuk setiap bulu di badannya dengan satu kebaikan⁵⁴¹".

⁵³⁹ Al-Tha'labi, al-Kasyf Wa al-Khafa' (1/128).

⁵⁴⁰ Al-Ghafiqli, Lamahat al-Anwar (2/575).

⁵⁴¹ Al-Ghafiqli, Lamahat al-Anwar (2/575).

- vi. Ibn ‘Iraq ‘Ali bin Muhammad al-Kattani (w 963H) meriwayatkan di dalam kitabnya “Tanzih al-Syari’ah” ungkapan yang diriwayatkan daripada ‘Ali bin Abu Talib RA berkaitan dengan *khawas* surah ini dan surah-surah yang lain, beliau RA berkata: “Jika seorang daripada kamu ingin mendapatkan sesuatu hajat, maka hendaklah dia keluar di awal pagi untuk mendapatkannya pada hari khamis, membaca surah Ali ‘Imran ketika keluar dari rumahnya, juga Ayat Kursi, surah dan Ummu al-Kitab, kerana pada (perlaksanaan) perkara-perkara ini, akan ditunaikan hajat keperluannya di dunia dan akhirat⁵⁴².”

Ini di antara riwayat yang menyebut tentang *khawas* Surah al-Fatihah, semuanya adalah palsu dan suatu khurafat dan tidak benar daripada hadis-hadis Nabi SAW. Para ulama juga menyebut tentang beberapa pengamalan daripada pengalaman berkaitan dengan surah al-Fatihah, yang juga tidak sah sama ada daripada Nabi SAW atau pun para sahabat RA, antaranya:

- vii. Al-Hakim Abu Abdullah Muhammad bin Ahmad al-Tamimi (w 390H) menyebut di dalam kitabnya “Khawas al-Quran al-Hakim” beberapa kisah pelik dan ajaib yang mengandungi bentuk-bentuk bertentangan dengan Syari’at Islam, antaranya, kata beliau: Jika ditulis Surah al-Fatihah dengan wangian kasturi di dalam bekas kaca, kemudian dipadam dengan air mawar, seterusnya air itu diminum oleh seseorang yang bodoh serta tidak kuat menghafal selama tujuh hari, maka kebodohnya akan hilang, dan dia akan mampu menghafal apa sahaja yang didengarinya”. Beliau berkata juga: “Sesiapa yang menulisnya – Surah al-Fatihah – pada kulit rusa di malam Jumaat, selepas solat isyak, dengan menggunakan za’faran dan air mawar, iaitu permulaan surah ini, dan permulaan surah al-Baqarah dan Ali ‘Imran..., jika digantung pada kanak-kanak, maka mereka akan selamat daripada sebarang unsur yang menakutkan, jika digantungkan pada wanita bujang, pasti akan datang pertunangan dan akan dicintai, jika digantung pada sesebuah kedai, pasti akan datang ramai pelanggannya⁵⁴³”.
- viii. Abu al-‘Abbas Ahmad bin ‘Umar al-Dairibi al-Azhari (w 1151H) menyebut di dalam kitabnya “Fath al-Malik al-Majid al-Muallaf Li Naf’i Wa Qam’i Kull Jabbar ‘Anid” beberapa khawas surah al-Fatihah, antaranya: Antara *khawas* surah ini, jika dibaca ke atas gigi geraham yang sakit, pasti akan terus sembuh..., di antara *khawasnya* untuk aspek berkasih sayang adalah merapatkan hati-hati manusia..., di

⁵⁴² Ibn ‘Iraq, Tanzih al-Syari’ah al-Marfu’ah ‘An al-Ahadith al-Syania’h al-Maudu’ah, Kitab: Fadail al-Quran, al-Fasl al-Thalith (1/307, 308) no hadis: 79, al-Imam al-Suyuti berkata: Ia adalah pendustaan yang nyata.

⁵⁴³ Al-Huwaimil, Khawas al-Quran al-Karim, ms 239, 240 dan al-Ghouri, Fadail Surah al-Fatihah Wa Khawassuha, ms 4, 6.

antaran *khawas* surah ini adalah memperbaiki hubungan antara suami isteri dan adik beradik...⁵⁴⁴

Inilah yang diriwayatkan daripada *khawas* Surah al-Fatihah berkaitan dengan pengalaman pengamalan yang tidak lari daripada sifat berlebihan atau melampau dalam mempraktikkannya, di samping kesemuanya adalah palsu dan ditolak oleh Syariat. Riwayat-riwayat ini mengandungi ciri-ciri penyelewengan dan penghinaan terhadap al-Quran, bahkan pelakunya boleh terjerumus ke dalam ruang lingkup syirik kepada Allah SWT atau bidaah dalam agama serta bertentangan dengan Sunnah Nabi SAW. Menjadi kewajipan ke atas setiap muslim untuk mengingkari dan menjauhinya dengan sepenuh jiwa mereka.

Kesimpulan dan Dapatan Kajian:

Kajian ini telah selesai mengumpulkan beberapa hadis sahih berkaitan dengan *khawas* Surah al-Fatihah dan juga hadis-hadis maudu' serta khurafat, dapat dibuat kesimpulan bahawa:

1. Surah al-Fatihah adalah satu-satunya surah yang memiliki nama yang banyak, sebahagiannya adalah berbentuk *Tawqifiyyah* iaitu sebanyak tujuh nama, dan sebahagian lagi berbentuk *Ijtihadiyyah* sebanyak 13 nama.
2. *Khawas al-Quran* bermaksud kesan al-Quran atau sebahagian surahnya dan ayat-ayatnya yang membolehkan manfaat diperoleh, atau menolak mudarat, atau mengangkat bala, menyembuhkan pesakit atau menyempurnakan hajat seseorang.
3. Menjadikan al-Quran sebagai penyembuh daripada penyakit dinamakan: *al-Ruqyah al-Syar'iyah*. Ruqyah ini dapat menatijahkan kesembuhan dengan membaca surah tertentu, atau ayat yang memiliki *khawas* tersendiri, di samping syarat pembacanya yang tulus, ikhlas serta tawakkal yang sempurna kepada Allah SWT.
4. Ruqyah dengan membaca surah al-Fatihah adalah suatu yang telah pasti dengan izin Allah SWT. Ia direkodkan di dalam hadis-hadis yang sahih dan pengalaman pengamalan yang benar. Menjadi kewajipan setiap muslim untuk menitikberatkan perubatan dengan menggunakan surah ini beserta hati yang tulus, ikhlas dan tawakkal yang tinggi kepada Allah SWT sebelum mengambil ubatan-ubatan yang berbentuk fizikal.
5. Beberapa riwayat yang palsu dan berbentuk khurafat berkaitan dengan *khawas* Surah al-Fatihah telah disebutkan di dalam karya-karya tertentu. Ia bukanlah riwayat yang boleh dijadikan sandaran. Waib bagi setiap muslim untuk menjauhi riwayat-riwayat seperti ini dalam mempraktikkan *khawas* Surah al-Fatihah.

⁵⁴⁴ Al-Dairibi, Abu al-'Abbas Ahmad bin 'Umar al-Azhari, Fath al-Malik al-Majid al-Muallaf Li Naf'i Wa Qam'i Kull Jabbar 'Anid, ms 8, 9.

Ini adalah sebahagian kesimpulan dan dapatan yang diperolehi daripada kajian yang dilakukan ke atas khawas Surah al-Fatihah. Kami berdoa kepada Allah SWT agar diterima usaha yang kecil ini dalam memberi khidmat kepada al-Quran dan al-Sunnah.

وَالصَّلَاةُ وَالسَّلَامُ التَّامَّانِ الْأَكْمَلَانِ عَلَى نَبِيِّنَا مُحَمَّدٍ، وَعَلَى آلِهِ وَصَحْبِهِ وَتَابِعِيهِمْ بِإِحْسَانٍ إِلَى يَوْمِ الدِّينِ.

BIBLIOGRAFI

- ‘Abd al-Razzaq ‘Ali Ibrahim Musa. *al-Muharrar al-Wajiz Fi ‘Ad Ayy al-Kitab al-‘Aziz*. Riyadh: Maktabah al-Ma’arif. C1. 1408H-1988M.
- ‘Abd al-Razzaq Husayn Ahmad. *Al-Makki Wa al-Madani Fi al-Quran al-Karim: Dirasah Ta’siliyyah Naqdiyyah Li al-Suwar Wa al-Ayat*. Kaherah: Dar Ibn ‘Affan. C1. 1420H-1999M.
- Abu Daud, Sulaiman bin al-Asy’ath al-Sijistani. *Al-Sunan*. Riyadh: Dar al-Salam. C1. 1420H.
- Ahmad, Abu Abdullah Ahmad bin Hanbal al-Syaibani. *Al-Musnad*. Tahqiq: Syu’aib al-Arnaut dan selainnya. Beirut: Muassasah al-Risalah. C2. 1429H.
- Al-‘Ajluni, ‘Ismail bin Muhammad. *Kasyf al-Khafa’ Wa Muzil al-Ilbas ‘An Ma Isytahara Min al-Ahadith ‘Ala Alsinah al-Nas*. Kaherah: Maktabah al-Qudsi. C1. 1351H.
- Al-Bukhari, Abu Abdullah Muhammad bin Isma’il al-Ju’fi. *Sahih al-Bukhari*. Riyadh: Dar al-Salam. C2. 1421H.
- Al-Dairibi, Abu al-‘Abbas Ahmad bin ‘Umar al-Azhari. *Fath al-Malik al-Majid al-Muallaf Li Naf’i Wa Qam’i Kull Jabbar ‘Anid (Mujarrabat al-Dairibi al-Kabir)*. Kaherah: al-Maktabah al-Tijariyyah al-Kubra. C1.
- Al-Daraqutni, Abu al-Hasan ‘Ali bin ‘Umar al-Baghdadi. *Al-Sunan*. Tahqiq: Syu’aib al-Arnaut. Beirut: Muassasah al-Risalah. C1. 1424H-2004M.
- Al-Dusari, Munirah Muhammad Nasir. *Asma’ Suwar al-Quran wa Fadailuhu*. Riyadh: Dar Ibn al-Jauzi. C2. 1429H.
- Al-Fairuzabadi, Majd al-Din Muhammad bin Ya’qub. *Al-Qamus al-Muhit*. Beirut: Muassasah al-Risalah. C7. 1424H.
- Al-Farahi, Abd al-Hamid. *Nizam al-Quran Wa Ta’wil al-Furqan Bi al-Furqan*. Beirut: Dar al-Gharb al-Islamiy. C1. 1433H-2012M.
- Al-Ghafiqi, Muhammad bin Abd al-Wahid bin Ibrahim al-Andalusi. *Lamahat al-Anwar Wa Nafahat al-Azhar Wa Riy al-Zamaan Li Ma’rifah Ma Warada Min al-Athar Fi Thawab Qari’ al-Quran*. Tahqiq: Raf’at Fauzi Abd al-Muttalib. Beirut: Dar Basyair al-Islamiyyah. C1. 1418H.
- Al-Ghouri, Syed Abd al-Majid. *Fadail Surah al-Fatihah Wa Khawassuha: Dirasah Hadithiyyah Tahliliyyah*. Beirut: Dar Ibn Kathir. C1. 1444H-2023M.

- Al-Huwaimil, Turki bin Sa'ad bin Fuhaid. *Khawas al-Quran al-Karim: Dirasah Nazariyyah Tadbiqiyyah*. Riyadh: Dar Ibn al-Jauzi. C1. 1429H.
- Al-Nasa'i, Abu Abd al-Rahman Ahmad bin Syu'aib. *Al-Sunan*. Riyadh: Dar al-Salam. C1. 1420H.
- Al-Tha'labi, Abu Ishaq Ahmad bin Muhammad. *Al-Kasyf wa al-Bayan 'An Tafsir al-Quran*. Beirut: Dar al-Kutub al-'Ilmiyyah. C1. 1425H-2004M.
- Al-Tirmizi, Abu 'Isa Muhammad bin 'Isa bin Saurah. *Al-Jami'*. Riyadh: Dar al-Salam. C1. 1420H.
- Al-Zuhaili, Wahbah bin Mustafa. *Al-Fiqh al-Islami Wa Adillatuhu*. Beirut: Dar al-Fikr. C1. 1404H-1984M.
- Ibn 'Iraq, Abu al-Hasan 'Ali bin Muhammad al-Kinani al-Dimasyqi. *Tanzih al-Syari'ah al-Marfu'ah 'An al-Syani'ah al-Maudu'ah*. Kaherah: Maktabah al-Qahirah. C2. 1401H-1981M.
- Ibn al-Athir, al-Jazari al-Mubarak bin Muhammad al-Syaibani. *Al-Nihayah Fi Gharib al-Hadith wa al-Athar*. Tahqiq: Tahir Ahmad al-Zawi dan Mahmud Mahmud al-Tanahi. Beirut: al-Maktabah al-'Ilmiyyah. C1. 1399H-1979M.
- Ibn Qayyim al-Jauziyyah, Muhammad bin Abu Bakr bin Ayyub al-Dimasyqi. *Zad al-Ma'ad Fi Hady Khayr al-'Ibad*. Tahqiq: Syu'aib al-Arnaut dan Abd al-Qadir al-Arnaut. Beirut: Muassasah al-Risalah. C3. 1418H-1998M.
- Muhammad Ahmad Ma'bad. *Nafahat Min 'Ulum al-Quran*. Kaherah: Dar al-Salam. C1. 1417H.
- Muslim, Abu al-Husain Muslim bin al-Hajjaj al-Qusyairi. *Al-Sahih*. Riyadh: Dar al-Salam. C1. 1419H.